

# RAECHTE SCHWITZER

C & A Rohrer Daniel IPI 00072 97 75 37  
000589 700 46  
T-050255428-0

I bin e rächte Schwyzer, dumm, doof  
Wott nid meh, wott nid wyter, dumm, doof  
I ha, was i bruuche, das isch ke Witz  
I ha, was i gärn ha, u das isch d Schwyz  
I bin e rächte Schwyzer, dumm, doof

I wachen uuf i mym nordische Bett, made in Finnland, jedi Wett  
I trinken es Kaffee us Equador, oder es Tee, beschti Margge us Ceylon  
I legen es T-Schört, es Paar Hosen a, us Boumwulle us der Ukraina  
Luege i d Zytig, i wagen e Blick, was gseh i da, si bringe's wider dick  
Tamile, Jugos und Tschingge, tschalpen üs uf d Füess, wöugen üs lingge  
chömi dahäre zum Schmarotze, u die söll me doch alli furtputze!

I fahren i ds Büro, i la mys Outo a, du hesch's errate, es isch e Toyota  
I fahre mit Bänzin usem Kuwait, ah ja, s Paar Italian Shoes han i o no aagleit  
I bi scho chly spät, lueg i my Swatch mau a, u gseh, die isch ja made in Korea  
I chumen i ds Büro, grüesse mit "Hallo", grüesse d Ilona, u der Giorgio o  
är isch us Rom, si vo Bratislava, Uszländer, uf die chasch di nie verla  
chöme dahäre zum Schmarotze, u i darf nid mau motze

I bin e rächte Schwyzer, dumm, doof  
Wott nid meh, wott nid wyter, dumm, doof  
I ha, was i bruuche, das isch ke Witz  
I ha, was i gärn ha, u das isch d Schwyz  
I bin e rächte Schwyzer, dumm, doof

Im Büro la n i my Computer a, ds nöische Modäll us Amerika  
Die schnällschi Software, s isch e Fröid, natürlech isch o die, "american made"  
I la mys Japaner-Radiöli a, "wau!" die Mäickel Jäcksen muess i haa!  
De han i Durscht, i muess es ha, es yschalts Coci us Atlanta

Alles chunnt vo dert, nüt chunnt vo da, i cha nid läbe vo Chäs u Schoggola  
Drum stygen i uf e höchscht Bärge won i cha, mache ds Härz u d Ougen uuf  
U luege so wyt i chaa, so wyt i gseh

I bin e guete Schwyzer, wott vii meh, vii wyter  
I bin e guete Schwyzer, gseh vii meh, vii wyter  
I bin e guete Schwyzer, cha no meh, no wyter  
I bin e guete Schwyzer, gseh vii meh, vii wyter  
La Svizzera, la Svizzera, la Svizzera, l'è una naziun de cujan!  
I bin e guete Schwyzer, i dänke no meh, vii wyter

